


UBUTURO BWERA

UBUTURO BWERA



AMATEKA

- Ubuturo bwera bwubatswe n'abana ba Israel ariko bayobowe na Mose ahagana mu mwaka 1450 mbere ya Kristo. Ibyari biri mubuturo byose, ubuturo ubwabwo abagombaga kubukoramo n'imiterere yabyo yose Imana ubwayo niyo yabisobanuriye Mose mu buryo burambuye ku musozi Sinayi nyuma y'ibyumweru bike gusa Abisiraheli buvuye mu bucakara bari bamazemo imyaka irenga 400 mu Egiputa. Ubuturo bwera bwari imyubako ishobora kugendanwa kandi yagendanwe imyaka nibura 40 igatwarwa n'umuryango wari warahawe uwo mwihariko witwa Abalewi.

- Turamutse twize ubuturo bwera mu buryo burambuye byagorana cyane kuko burimbitse bihebuje, icyakora dufite n'ikibazo cy'uko ukuri kose kwabwo kwimbitse kuburyo tudashobora kuvuga tuti tugukonojemo.
- Ibitabo bitanu byanditswe na Mose byitwa Torah cyangwa amategeko. Twibuke ko Yesu yavuze ati: Sinaje gukuraho amategeko cyangwa ibyahanuwe, Oya ahubwo naje kubisohozza (Matayo5:17).
- Yohana ukundwa nawe umunsi umwe yaranditse ati: Amategeko yazanywe na Mose ariko ubuntu n'ukuri(truth, reality) byazanwe na Kristo " (Yohana1:17). Ijambo ukuri ryakoreshejwe

AMATEKA

- ahangaha mukigiriki ni”*alethia*”. Ukuri Yohana avuga ni Kristo Yesu ari we jambo wahoze ari Imana akigira umuntu ngo ature muri twe (yohana 1:14)
- Birumvikana neza rero ko ubuturo bwera bwari igishushanyo cyangwa kwasuraga Yesu kristo. Bivuzeko mu 1450 mbere ya Kristo igihe Imana yabwiraga mose ikamusobanurira mu buryo burambuye imiterere y’ubuturo bwera burya yari irimo imubwira mu buryo burambuye uko Kristo uzaza gukiza isi azaba ateye.
- Mu butumwa bwiza bune ndetse by’umwihariko mu butumwa bwiza bwanditswe na Yohana, Yesu yiyerekana nk’ukuri kw’ikintu cyose cyabaga ubuturo bwera .Bityo rero nitwiga ubuturo bwera ikintu kizatubwira ko turi kubwumva nk’uko Imana yabishakaga igihe yabutangaga ni uko tuzaba twumva neza ko kuva kubuturo bwera bwose , amabara yabugaragaragaho, ibikoresho byabukoreshwagamo, abakoreshaga ibyo bikoresho ndetse n’imihango yabakoreshwaga byose bihuriza hamwe kuririmba indirimbo imwe ariyo KRISTO GUKIRANUKA KWACU.

IBYO KWIGA KU UBUTURO BWERA

❑ Ubuturo bweran ni icyigisho kigari, ndetse umuntu atakwicara ubundi ngo ahaguruke avuga ko agikonoje rwose. Gusa umuntu yakwiga ibi bikurikira:

- A. Imbata y'ubuturo bwera
- B. Ibice ndetse n'ibikoresho by'ubuturo bwera.
- C. Umutambyi
- D. Ibitambo.

A . IMBATA Y'UBUTURO BWERA.

IMBATA Y'UBUTURO BWERA.



IMBATA Y'UBUTURO BWERA.

❑ Imbata y'ubuturo bwera ,itugaragariza ibice byari bigize ubuturo bwera uko ari 3:

- I. Mu rugo.
- II. Ahera
- III. Ahera cyane.

❑ Si ibyo gusa kuko itwerekaga ibikoresho byari biri muri buri gice cy'ubuturo bwera,ndetse ikatwerekaga gahunda byari bifite.Niyo mpamvu tugiye kujya tureba buri gice ibikoresho byahabaga ;umumaro n'ubusobanuro byaribifite cyangwa se icyo byashushanyaga.

IMBATA Y'UBUTURO BWERA.

❑ Hari undi mu maro ukomeye , ubuturo bwera bwari bufite. Kuko Abisirayeli hashingaga amahema yabo bakurikije gahunda ariko bakabikora bakoresheje amerekezo y'isi. Ukurikije uko ubuturo bwari bwubatse.

❑ Irebere nawe:

IMBATA Y'UBUTURO BWERA.



MU RUGO

MU RUGO

❑ Mu rugo ,ni cyo cyari igice kibanza cy'ubuturo bwera. Ni ukuvuga cyari gikozwe :

- 1) imyenda yo ku rugo
- 2) Irembo ry'urugo
- 3) Igicaniro cy'ibitambo
- 4) igikarabiro

IMYENDA YO KURUGO (Kuva 27:9-19)



- ❑ uramuka unyuze mu butayu igihe abayisiraheli bari bahari, wari gutungurwa no kubona uguye ku nkambi y'abantu basaga miliyoni ebyiri, gusa ugasanga itandukanye n'izindi nkambi dusanzwe tuzi cyane cyane bitewe na gahunda wari kuhasanga, wari gusanga amahema yose asa, kuko yari yijimye (black and brown).
- ❑ Wari kubona kandi hagati muri yo harimo ihema ryererana ariryo ryari rigize urugo rw'ubuturo bwera.
- ❑ Gusa ntabwo wari gushobora kureba imbere kubera uburebure bw'urwo rugo, kandi uwari kubamo imbere nawe ntiyari kubasha ku kubona.

- Muri Bibiliya umwambaro wera ushushanya gukiranuka (Ibyahishuwe 19:8). Imana muri kamere yayo irera kandi irakiranuka, ikora ibintu byose muburyo utabona icyo ibijora. Nicyo gukiranuka bivuze. Niyo mpamvu muri zaburi 92 havuga ko uwo mwami akiranuka kandi muriwe ntagukiranirwa kumurangwaho.
- Muri *Zaburi ya 45:7* ihanurako uwo wasizwe (Messia, Kirisito) azakunda gukiranuka akanga gukiranirwa. Kuberako Imana ikiranuka byatumye igihe yatoraga abalewi ngo bayikorere mubuturo yabategetse kwambara imyenda year (kuva 28:39-43).

❑ Ibyo kandi ninabyo bituma mu isezerano rishya mu byahishuwe 16:6-9 havuga umugeni wa Kristo wagaragaye yambaye imyambaro yera de. Ibinyuranye n'ibyo tubona muri yesaya 64:6 ko gukiranuka kwacu ari ubushwambagara bwuzuye ibizinga. Turabo neza ko Imana yatanze ubuturo bwera ishakakwigisha uburyo bwayo bwo gukiwamo umuntu, nanubu kandi turiho tuvuga ibyabwo ngo duhishyurirwe yesu kuko ariwe dukeneye ngo tube tubonye byose.

IREMBO RYO KU RUGO RW'UBUTURO BWERERA (Kuva27:16-17)



IREMBO RYO KU RUGO RW'UBUTURO BWERERA (Kuva27:16-17)

- ❑ Umuryango w'urugo rw'ubuturo bwera wari umwenda mugari cyane ugizwe n'amabara akurikira: ubururu, umukara wa kabayonga, umutuku n'umweru. Buri bara ryose rifite ubusobanuro:
- ❑ **Ubururu** : *Busobanura kumvira, gukiranukira amategeko (amategeko yari yanditse ku ibuye ry'ubururu).*
- ❑ **Umukara wakabayonga**: *guhoberana k'ubutabera no gukiranuka. Ni ibara riboneka iyo uvanze ubururu(gukiranuka , amategeko)n'umutuku (ubutabera bw'amategeko) ni ugukiranuka n'amahoro, urukundo n'ubutabera byahoberanye.(zaburi 85:11).*
- ❑ **Umutuku**: *usobanura amaraso, urupfu, kumeneka k'ubugingo, gucungurwa. "Dore umugaragu wanjye..." (Yesaya 52:13 & 53:5), Wibuke ko hari icyo mubutumwa bwiza bwanditswe na Mariko; kristo avuga ko yaje gukorera no gutangaho ubugingo bwe."* (Mariko10:45).

IREMBO RYO KU RUGO RW'UBUTURO BWEA (Kuva27:16-17)

❑ **Umweru:** usobanura gukiranuka, kwera bivuze kutarangwa n'akazinga ndetse n'ubumuntu buzira ikib bwagizwe na Kristo , Dore uko avugwa muri zakariya "Zakaria 6:12".

Na pilato yahamije ko Yesu yeraga, eraga ndetse yabuze icyo ku mushinja. (Luka 23:4,14). Aya mabara ane niyo yari ahuriye hamwe gukora urugi nk'uko ubutumwa bune bwose buhuriza hamwe kudasobanurira yesu. Dukeneye kumugira nk'irembo natwe, muri ubu busobanuro aya mabara avuga. Dukeneye Yesu nk'irembo cyangwa nk'umutuku, ubururu, umweru n'umukara wa kabayonga.

Yesu yaravuze ati" Nijye rembo umuntu niyinjira azakizwa" (yohana 10:9) kandi ati "Nijye nzira ukuri n'ubugingo ntawe ujya kwa data ntamujyanye." (Yohanua 14:6). Kimwe mubishimishije n'uko irembo ry'ubuturo ryari rigari cyane kuburyo kwinjiramo bitagoranaga , yemwe na nubu niko biri nubwo gukizwa bisa naho bigoye bitewe n'uko abantu babishyize mumyumvire y'isi , siko biri ahubwo biroroshye cyane.


IGICANIRO CY'IBITAMBO(Kuva 27:1-8)



IGICANIRO CY'IBITAMBO(Kuva 27:1-8

- ❑ Igicaniro cy'ibitambo nicyo gikoreshe wahingukiragaho igihe wabaga winjiye mu irembo ryo ku rugo. Cyari cyubatswe mu buryo butangaje; Umushita uyagiriye umuringa. Igiti muri bibiriya kivuga ubumuntu.(Zaburi 1:1,3 & Yeremia 5:14).
- ❑ Umuringa usobanura urubanza rw'Imana cyane cyane kubwo kwigomeka. (Kubara16:29-40, Yuda11). Kuko igiti kiyagiriye umuringa ibyo bitwibutsako inyokomuntu iri muni y'iteka n'urubanza by'Imana kubwo kwigomeka (nicyo igicaniro cy'ibitambo cyivugaga). Nyamara cyari igiti cy'umushita igiti gikomeye, Yesu nawe igihe yari mubumuntu, ntiyabukoreye icyaha nyamara n'ubundi ubutabera bw'Imana urubanza rwayo rwamusohoreye kumusaraba icyo kikaba aricyo cyigisho twigishwa n'igicaniro cy'ibitambo.
- ❑ Nkuko ibitambo byakongokera kugicaniro bikongowe n'umuriro uvuye ku Mana niko na kristo yapfiriye ku musaraba muburyo bw'Imana ngo inyokomuntu ikongokere muriwe ubutabera busohozwe (Zekariya7:13, Abaroma 6:23). Imana ishimwe kuko ku bw'igikorwa yakoze ku musaraba twarakijwe, ubu turiho.

Igikarabiro (Kuva 30:17-21)



Igikarabiro (Kuva 30:17-21)


- ❑ Igikarabiro cyari gikonzwe mu muringa kandi kikabamo amazi. Ntabwo bibiliya ivuga ibipimo byacyo. Kugirango umutambyi yinjire mu ihema rero cyangwa atambe ibitambo ku rutambiro, byasabaga ko yiyoza ibirenge n'ibiganza. Mose yari yarabwiwe rwose ko utazajya akaraba azajya apfa. (Kuva 30:20-21). Isezerano rishya rivuga igikarabiro nk'umubatizo: Umubatizo (Ibyakozwe n'intumwa 22:16; 16:31-33).
- ❑ Nonese umubatizo ni iki? Ese Bibiliya iyo ivuze kwezwaga n'amazi n'amaraso iba ivuze iki? Dusubire mu Egipta Atari ukugirango tugumeyo ahubwo kugirango twigire ku mateka y'abisiraheli ku kibuga cyaho. Bakijijwe n'amaraso ariko kandi bakijijwe n'amazi.
- ❑ Amaraso yabakijije urubanza rw'Imana naho amazi (inyanja itikura) abakiza ububata bwo mu Egipta, abatandukanya na Egipta kandi abakiza igihanda Farawo umwami wa Egipta n'ingabo ze. Ibi n'ubundi bisobanuyeko Amaraso ya Kristo yadukijije gucirwaho iteka ku bw'igihano cy'icyaha ariko umusaraba wa Kristo wadukijije ububata bw'icyaha, isi ndetse na Satani (yohana 12:24).

AHERA

AHERA

- ❑ Ahera cyari igice cya mbere cy'ihema mu bice byimukanwa ndetse cyikaba icyakabiri cy'ubuturo bwera muri rusange. Ahera habaga ibikoresho bitandukanye. Aribyo:
 - ✓ Igitereko cy'amatabaza
 - ✓ Ameza y'imitsima yo kumurikwa
 - ✓ icyotero cy'imibavu

IGITEREKOCY'AMATABAZA = Monerah (Kuva25:31-39)



IGITEREKO CY'AMATABAZA

(Kuva 25:31-39)

- ❑ Igitereko cy'amatabaza cyari gicuzwe mu izahabu nziza giteretse mu ruhande rw'ibumoso mucyumba cy'ahera. Cyari gifite amashami atandatu ariko wakongeraho igitereko nyirizina twagereranya n'umutwe bikaba birindwi kandi bigakora ishusho imeze nk'ururabo rwiza. Igitereko cy'amatabaza rero cyari kimeze nk'igiti cy'izahabu.
- ❑ Akamaro kacyo kwari ugutanga umucyo mu buturo bwera "Muri we harimo ubugingo kandi ubwo bugingo bwari umucyo w'abantu" (Yohana 1:4). Yesu yigeze kubwira abantu ati nimugende mugifite umucyo.... Nijye mucyo w'isi (Yohana 8:12) " nubundi yaravuz'ati: abe ariko umucyo wanyu umurikira imbere y'abantu bose kugirango nibabona imirimo yanyu myiza bahereko bahimbaze so wo mu ijuru"(Matayo 5:16). Usomye iri somo witonze wasanga umucyo uriho uvugwa aha ari Yesu, nubundi mubuturo bwera niwe ushushanywa na ririya tabaza kuko niwe rumuri nyarwo rw'ubutumwa bwiza.

AMEZA Y'IMITSIMA YO KUMURIKWA (Kuva 25:23-30)




AMEZA Y'IMITSIMA YO KUMURIKWA

(Kuva 25:23-30)

- ❑ Ameza y'Imitsima yo yari aherereye mu ruhande rw'iburyo ahera. Yari akozwe mu giti cy'umushita gisize izahabu. Ibi bisobanura Yesu muri kamere ze ebyiri ly'ubumana (izahabu) iy'ubumuntu (igiti) Yari yarabyawe na Maria umuntu buntu ariko yarasamye inda ya mwuka wera Imana bumana, bityo byatumaga yiyita umwana w'umuntu cyangwa umwana w'Imana (Luka 1:35).muri Yohani 1:14:“Jambo uwo yabaye umuntu abana natwe tubona ubwiza bwe busa n'ubw'Umwana w'ikinege wa Se, yuzuye ubuntu n'ukuri”.Imitsima yari ihateretse nayo ishushyanya Yesu, nk'ukwiye kuribwa buri muni ngo tubeho, muri yohana 6 yahamirije abayuda ko ariwe mutsima nyakuri. Nkuko utariye utabaho, niko ubundi kubura yesu umunsi naho waba umwe bikwangiza, niwe jambo ry'Imana twakagombye kurya buri muni nkuko manu yatoragurwaga buri muni; kugirango tubeho. Kugir'umunsi umwe urangiza udasabanye n'Imana ni ukwirirwa utariye, niyo mpamvu iyi mitsima yahoraga kumeza;bivuze ko bagomba kurya burigihe nta konji bafashe (ibiri kumeza biba bikeneye kuribwa),bayihinduranyaga buri sabato.

ICYOTEROCY'IMIBAVU (KUYA30:1-10)



ICYOTERO CY'IMIBAVU (Kuva 30:1-10)

- Cyari gikozwe mu mushita uyagirijweho Izahabu.
- Cyari cyegereye cyane umwenda ukingiriza ahera cyane .Pawulo we muba “Heb9: 4 “avuga ko cyabaga ahera cyane. Gishushanya amasengesho. (Zaburi 141:2, Ibyahishuwe 5:8) kandi kiturarikira ku isengesho rya Yesu igetsemana (Yohana 17, Mariko 14:32-42).
- Mugitabo cyo “Kuva 25:8 “ haravuga ngo muzanyubakire ihema kugirango nture hagati muri mwe”, ku murongo wa 9 yongera kuvug’ati: muzaryubake mushyiremo n’ibikoreshe byaryo, mu kurikije igishushanyo mbonera ngiye ku kubereka.
- Yohana 2:19 Yesu arabasubiza ati : Nimusenye uru rusengero nanjye nzarwubaka mu minsi itatu. –Ibyo yavugaga sibyo bumvaga, bari bakiri mu bishushanyo we yageze mu kuri.
- Bari barubatse mu myaka 46 bo bari benshi kandi bafite uburenganzira bwo kubaka naho we aravugaga kubaka mugihe kubona icyangombwa cyo kubaka byatwara iminsi irenze itatu kandi nawe ari umwe.
- Yavugaga urupfurw’umubiri we n’umuzuko we.
- Ibi bihita bitwigisha ko ariwe kuri k’ubuturo, nubwo abayuda batumvaga icyo yavugaga nkuko natwe tu mwitiranyaga muri iyi minsi.
- Muri Hagayi 2:9, havuga ko” Ubwiza bw’iyi nzu bwo hanyuma buzabura ubwambere niko uwiteka nyiringabo avugaga, kandi aha hantu nzahatangira amahoro”. Kutamenya agaciro Yesu afite bituma tumwitiranyaga. Ubuhungu bwa Hagayi buvugaga uko agaciro k’inzu ya nyuma kazabura karuta kure ak’iyambere Salomo yubatse, ntibabwemeraga kuko yesu batari bamuzi. Bashiraga mugaciro bakareba uburyo urusengero rwa kera rwari rukomeye maze bakabihakana, ariko uwavugwaga mubuhungu bwa Hagayi, anariwe kuri k’u buturo ni Yesu yar’afite agaciro kuruta izo nyubako z’abayuda. Mugihe Yesu ariwe ukwiye kuvugwa ibindi bitarimo mbwa nibyo bivugwa. Abayuda bibaraga mubyabo nawe akaba muby’agakiza k’inyokomuntu, erega umuntu y’uzuwemo no kurwanya Imana!

AHERA CYANE!

AHERA CYANE!

- ❑ Ahera cyane cyari igice cya gatatu cy'ubuturo bwera. Ahera cyane habaga ibi bikurikira:
 - Isanduka y'isezerano
 - Intebe y'ihongerero

ISANDUKA Y'ISEZERANO



ISANDUKA Y'ISEZERANO

Guteg. 10:1-5

❑ Isanduka y'isezerano yarimo:

✓ Urwabya rwa Manu

✓ Inkoni ya Aaron

✓ Ibisate 2 by'amabuye yanditseho amategeko 10

❑ **Ubusobanuro:** Iyo sandugu yerekana intebe y'Ubwami y'Imana, umutemeri wayo n'imikondo igenderaho, bishushanya uko Kristo Umutambyi mukuru atuvugira ku Mana mu masengesho, asengera abantu bishe amategeko y'Imana. Ibisate bibiri by'amabuye Imana yanditseho amategeko yayo cumi, yari ashyizwe munsu y'umutemeri w'imbabazi.

INTEBE Y'IHONGERERO

- Abakerubi batwikira intebe y'imbabazi bari bari ku mpande ku maherezo y'isandugu. Hagati y'abo bakerubi b'ubwiza hahoraga umucyo w'ubwiza werekana umucyo w'Imana ubwayo.

UMUTAMBYI

UMUTAMBYI



UMUTAMBYI

- ❑ Umutambyi nk'umuntu wari umuhuza w'abantu n'Imana. Yari afite imyambaro yabugenewe yambaraga kandi buri mwambaro wari ufite icyo usobanura.
- ❑ Imyambaro y'umutambyi yarimo amoko abiri :
 - ✓ Iyo yambaraga agiye gukora umurimo we waburi muni (ari mu ahera). Icyo gihe yambaraga imyambaro 8 (Golden Garment's).
 - ✓ Nanone yambaraga imyambaro 4 iyo yabaga agiye ahera cyane (White Garment's). **Abalew 16:4**

Imyambaro 8 ya buri munsu

❑ 1. ikabutura y'igitare (The Pants) .kuva 28:42

- Bambaraga ikabutura y'igitare, ihereye mu rukenyerero ukageza ku mavi.
- Abatambyi b'Imana bagomba kuba biyubashye, ndetse bakagira itandukaniro n'Abatambyi b'ibigirwamana kuko bo batambaga bambaye ubusa (be naked).

❑ 2. Amakanzu Abanza k'umubiri (The Tunic)

- Nyuma yo kwambara ikabutura, hakurikirahogaho ikanzu bambaraga, uhereye ku ijosi ukageza ku birenge. ntateranirizo yagiraga, kandi yagiraga amaboko mareremare.

Imyambaro 8 ya buri munsu

❑ 3.Ikanzu(kuva 28:34)

- Yazaga inyuma y'ikanzu ibanza ku mubiri.
- **Ibara** :ubururujuru. Iyo kanzu nayo ntateranirizo yagiraga.kandi ahagana hasi hayo habaga inzogera hagati y'imbutu(Fruits) 2 z'imikomamanga.
- **Inzongera ya Zahabu(kuva 28:35)** :ubuhamya nyabwo bw'abana b'Imana bagiye mu murimo w'umwami bwakagombye kuba ikimenywanabose.**luk 28:35**

Imyambaro 8 ya buri munsu

❑ 3.Ikanzu(kuva 28:34)

- **Umukomamanga (Pomegranate's=fruit):**

- ✓ ubundi urubuto rugira imbuto murirwo rutuma rwororoka.ninako burimukristo akwiye kugira uwo uzana kuri Kristo.
- ✓ Byari ikimenyetso cyo kunyurwa.

❑ 4.Efodi (Ephod) Kuva 28:9-10

- -umwitero ushushanya agakiza(**yes 61:10**).
- -ku rutugu habaga Amabuye yitwa Shohamu.kuri buri rutugo habagaho amabuye 6,kandi buri buye ryaririhagarariye umuryango wa Isirayeli. Yari urwibutso rw'uko Imana ibahozaho imbabazi.
- kuba ku rutugu bitwibutsa uburyo umwungeri aheka intama ye yazimiye ku rutugu.**Luk 15:4-7**

Imyambaro 8 ya buri munsu

❑ 5.umwambaro w'igituza.(Breast plate)

- Mu giheburayo: CHOSHEN MISHPAT
- Wabaga ufashe kuri Efode kandi ukangwa k'umutima .
- Washushanyaga umwambaro w'ubutabera(**Urim na Tummin =kuva 28:30**).
- Wari ukoze mu mabuye afite mabara atandukanye.aho buri muryango wa Isirayeli wari uhagarariwe.
- **Ubusobanuro:**Imana iba bugufi bwacu,kandi ko umutambyi yazirikanaga ubwoko bwa Isirayeli.

5.umwambaro w'igituza.(Breastplate)

- **Yohana 10:3** :Amazina y'abana b'Imana b'ukuri yanditswe k'umutima wa Yesu.
- **Yohana 10:28** : Amazina yabo ntashobora gusibama kuko bafite ubugingo buhoraho.
- N B :ku batizera Imana ,amazina yabo ntabugingo buhoraho bafite. **Luk 16:19**

No	Amazina	Ubusobanuro	Ibuye	Ibara
1	Rubeni		Rubi	umutuku
2	Simiyoni		Jade	icyatsi
3	Yuda		Carbuncle	(Bluish-Green)
4	Zebuloni		Quartz Crystal	(Clear)
5	Isakari		Lapis-Lazuli	(Blue)
6	Dani		Turquoise	(Blue)
7	Gadi		Agate	(Grey)
8	Asheri		Aquamarine	(Blue-Green)
9	Nafutali		Amethyst	(Purple)
10	Efurayimu			
11	Manase			
12	Benyamini			

❑ 6.Umushumi cg Umukandara (The Belt)

- **Ingano: 3×32 cubits** kandi 1cubit = 43-53cm
- **Ubusobanuro:** umukandara usobanura Ukuri.
- **Amasomo:** Efeso 6: 14 & Yohana 14:6
- **Amabara :** ubururu , umutuku na Purple.
- **Abalewi 19:19 :**Imana yariyarabujije Abisirayeli , kuvanga Amabara nyamara Umushumi wo wari ufite amabara atandukanye.
- **Isomo:**Ubuntu Imana yatugiriye,maze ibyaha byacu bitwikirwa n'ubutungane dukesha amaraso ya Kristo.**Yesaya 64:6**

❑ 7. Igitambaro cyo mu mutwe(The Turban) . Kuva 28:39

➤ Ibara : Umweru. Bivuga ubutungane.

➤ **Amasomo:** Efeso 6:17; Abaroma 12:2 ;2Korint 10 :5.

❑ 8.The Crown

➤ Yabaga ku ingofero, ikaba yari ikozwe muri Zahabu.

➤ Yabaga yanditweho ngo “**KWERA K’UWITEKA-HOLY TO L-RD**”

➤ **Ubusobanuro:** Yesu niwe mutambyi wacu mukuru, ukwera ni ukwe.

➤ **Amasomo:** Abaheb 3:1; 4:14-16

2.IBITAMBO

IBITAMBO



Igitambo cyoswa

- Igitambo cyoswa ni kristo washimishije Imana Ikanyurwa .Cyagombaga gutambwa buri munsi , mugitondo na nimugoroba – Ibi byagombaga gukorwa buri gihe kuko turi abanyabyaha kumanywa na nijoro (ibyahushuwe 12:10,2:1-16,6:14-23).

Ituro ry'ifu

- Ni kristo watumye abantu b'Imana banyurwa n'uko Imana yanyuzwe.
- N'usoma neza urasanga hari igice cyahabwaga Imana ariko igice kinini cyahabwaga abantu (cyari icy'abantu) abantu baranyurwa ariko banyurwa na Kristo kuko Imana Yanyuzwe nawe. Abantu n'Imana bakanezerwa

Igitambo cy'uko bari amahoro

❑ “Lewi3:1-17, 7:11-38, abafeso 2:14-16”

Ni kristo we wazanye amahoro hagati y’Imana n’umuntu.

➤ Ni kristo wakuyeho ibyaha by’abari mw’isi ngo Imana Inyurwe, Imana kandi Ikagirana amahoro n’abantu. Burya andi maturo yose Atari Yesu ntiyanezeza Imana, niwe turo tugomba kujyana imbere y’Imana, iyo ariryo tuzanye inyurwa naryo muburyo bwuzuye, niwe turo nyakuri. Ibi bivuzeko kugera imbere y’Imana witwaje ibyawe byaba gusenga, gukora neza uko ariko kose, bitagira icyo bimara, ufite akamaro ni Yesu gusa.

Igitambo cyo gukuraho urubanza(abalewi 5:1-6; 7:1-10)

- ❑ Iyo kristo ataba uw’Imana rwose nti yari kuba impongano y’ibyaha byacu ngo bikunde imyumvire yo kuba abanyabyaha ku manywa gusa iterwa:

No kutumva ubunyabyaha bwacu, No gutekereza ko tuba abanyabyaha kuko twabikoze. Kuki satani yaregaga kumanywa na nijoro? Hari uwambwiye ko –Abo arega nijoro ari:

- Abajura
- Abagizi ba nabi

Ariko oya sibyo rwose, iyimyumvire iterwa no kutumva ingorane y’icyaha. Gutekereza ko dukeneye Yesu kumanywa gusa, twakoze ibyaha gusa;Ni ugukuraho igitambo cya kristo gihoraho icya ku manywa na n’ijoro ,mugitondo na nimugoroba. Na none n’ukumva ko hari icyo twakora cyanyura Imana.

Amaturo y'ifu

- ❑ Ntabwo yabaga azaniwe Imana, yabaga azaniwe abatambyi; Gusa agace gato kabanzaga guhabwa Imana nk'urwibutso. Kristo agomba kutunyura (ituro ry'ifu) kuko yanyuze Imana (igitambo cyoswa).” Kuva 29:1-14, 40:12-15 Lewi 8:1-9,12-17”

UBUTURO BWERA NK'AGAKIZA

UBUTURO BWERA NK'AGAKIZA



UBUTURO BWERA NK'AGAKIZA

❑ Ubuturo bwera bwavugaga agakiza gusa icyakora abayuda babugize byose nkuko imyumvire yabo imeze. Bari barabugize aho gushakira indamu, icyubahiro ndetse n'ubutunzi bw'isi, icyakora mumugambi w'Imana bwashushyaga Yesu :

1. Bwose bwari Yesu (yohana2:19-22).
2. Niwe wari umutambyi (abahebulayo5:1-6).
3. Niwe ntama yatambwaga (yohana1:29)
4. Niwe muvugizi (abahebulayo7:25)
5. Niwe mutsima(yohana6:51)
6. Niwe mwenda watabuwe igihe yapfiraga kumusaraba
7. Niwe mucyo watangwaga n'amatabaza (matayo5:14-16).

Ubuturo bwera bwari ubusobanuro bw'agakiza mungingo 5 zikurira:

1. Ni aho Imana yahuriraga n'abanyabyaha (Kuva25:22), ubu ni muri Yesu ihurira nabo (2abakorinto5:19).
2. Hari aho Imana yaturanaga n'abanyabyaha, ubu ni muri Yesu (Matayo1:23; yohana14:23) .
3. Hari aho Imana yavuganiraga n'abantu, ubu ivuganira natwe muri Yesu (abahebulayo1:1-2).
4. Ni aho Imana yemereraga abanyabyaha, ubu ibemerera muri (Yesu abefeso 1:6).
5. Ni aho Imana yababariraga abanyabyaha, ubu ibabarira muri Yesu Umwana wayo(abefeso 1:7).

2.UMUNSI W'IMPONGANO

2.UMUNSI W'IMPONGANO

- Uko ibyanditswe n'amateka bibyerekana, ndahamyako umunsi w'imponganu utaziririzwaga kugeza mu gihe cy'abisiraheli, imyaka 2500 yose nyuma yo kugwa kwa Adamu. Kandi nanone mu isezerano rishya iryo jambo riboneka ahantu hamwe mu gitabo cy'abaroma 5:11 n'ubwo usanga mu ngeri nyinshi za Bibiliya zarakoresheje ijambo **umwuzuro, Ubwiyunge...**

2.UMUNSI W'IMPONGANO

- ❑ **Gahunda.** uwo munsu hatoranywaga ihene 2 n'umwanya zigomba guhagararamo. Umutambyi mukuru yarazifindiraga imwe ikaba ihene y'uwiteka indi ikaba ihene ya Azazeli (scapegoat). Nyuma yo gukora imyiteguro yategetswe yose umutambyi mukuru yasogotaga ihene y'uwiteka, agatwara amaraso ahera cyane ku ntebe y'imbabazi akayaminjagiraho inshuro zirindwi. Ukurikije uko uyu muhango wagendaga, yafataga ibiganza bye akabirambika ku mutwe w'itungo rikiri rizima maze akarivugiraho ibyaha byose no gukiranirwa kose n'ibicumuro by'abana ba Israheli, akabishyira ku gahanga k'iyi hene maze akayihereza umuntu wateguriwe ku yohera, akayijyana kure y'ingando. Iyi hene byavugwaga ko izikorera gukiranirwa kwabo kose ikakujyana ahatagira abantu. “abalewi. 16:21, 22.” Uyu murimo wakorwaga inshuro imwe mu mwaka. Wari ufite rero ikintu kidasanze ushushanya.
- ❑ **Ubusobanuro:** byashushanyaga urupfu rwa Yesu ku musaraba.

Umunsi w'impongano wuzuriye ku musaraba.

- ❑ Tugarutse ku munsi w'impongano tubona umwuzuro wawo wose mu bintu byose byabereye ku musaraba mu kubambwa kwa Yesu. Igitambo cya Yesu n'urupfu rwe rwo ku musaraba rwabaye gusohora k'ukuri kwashushanywaga n'ihene y'Uwiteka, kandi nyuma y'umuzuko we azamutse mu ijuru kwa se igitambo cye cyaremewe. Nyuma yo gusubiramo aya magambo yesu yabwiye Mariya yo muri yohana 20:17, ati: "Ntunkoreho kuko ntarazamuka ngo jye kwa Data".
- ❑ "Yesu yanze kuramywa n'abantu be kugeza igihe yari amenye rwose bidasubirwaho ko igitambo cyemewe na Data wa twese. Yazamutse mu bikari byo mu ijuru maze yumva Imana ubwayo yivugira ko ibyaha byabonewe impongano kandi ko binyuze mu maraso ye bose bagomba kubona ubugingo buhoraho."
- ❑ Ibyo byasurwaga n'ihene y'uwiteka ku munsi w'impongano kandi byasohoreye kuri Kristo kuko niwe iyo hene yasuraga. Amaraso ye yaramenetse kandi ako kanya nyuma y'umuzuko we yahise yinjira ahera cyane h'urusengero rwo mu ijuru maze Data wa twese yemera igitambo cye avuga ko bihagije kandi birangiye..

❑ Umusi w'imponzangano warangiraga na Azazeli yamaze koherwa. Ni nako byagenze, igihe yamaraga kubambwa umusaraba watumye Satani acirwaho iteka, kuburyo nyuma y'umusaraba yameneshejwe burundu. Usomye Yohana 12:31 no mu byahishuwe 10:10-11, usanga ko satani cyangwa Azazeli yabaye igicibwa kubw'umusaraba. Nkuko Azazeli yajyanwaga mubutayu, ikazerera iyo, ni nako yaciwe mu ijuru akaza kuzerera m'ubutayu (Isi), ibuka ko Yesu burya amaze kuva mugituro, yazamutse mu ijuru, akazamukana inyokomuntu (abefeso 2:4-7) mu ijuru iburyo bw'Imana, Satani aza kuzerera muri ubu butayu butagituwe n'abantu. Imana ishimwe ko agakiza kashobotse rimwe rizima none ubu tukaba turiho. Amina.

Byateguwe na :

- ✓ SEGATAMA Frobert
- ✓ Umunyeshuri muri
Kigali Health
Institute(KHI)
- ✓ Tél : 0727279270 /
0788778734
- ✓ E-mail:
Frobert2000@yahoo.fr
- ✓ 30 jan 2013

